

SPANTENBIER NA TALLER DI APA NV

ORANJESTAD(AAN)—
E construccion di e
werkplaats, taller, pa
Aruba Ports Authority
NV a yega su punto mas
halto. E construccion a

cuminsa na september
ultimo y lo ser finaliza
na mei.

Eproyecto aki ta con-
sisti di expansion y reno-
vacion di e taller di APA

NV manera DIARIO a
publica diasabra caba.

Den e taller lo tin espa-
cio pa tur maquinaria cu
ta necesario den cuadro
di prestamento di servi-
cio pa Aruba Ports Au-
thority. E taller tin un
superficie total di 350
metro cuadra y ta ser
construi pa e contratista
ALBO NV y Unicon NV
ta percura pa e parti di
instalacion electrico,
mientras cu Architecten-
buro Interdesign ta su-
pervisa e trabao y Poly-
technische Ingenieursbu-
ro NV ta duna conseho.

Ingeniero Benito Croes
chef di servicio tecnico di
APA NV ta lider di e pro-
yecto aki cu ta forma di e
proyecto total pa realiza-
cion di e containerhaven
di Aruba.

Gastonan total pa con-
struccion di e taller ta al-
rededor di 900 mil florin.

Representantenan
di Schildersbedrijf ALBO

NV Interdesing, Architec-
tenburo, APA NV, Unic-
on NV y Code NV taba-

ta presenta na e ocasion
di e tradicional spanten-
bier.

AUMENTO DI PRIJS DI REFRESCO NA ARUBA

ORANJESTAD(AAN)—
Ministro di Asuntonan
Economico a duna per-
mit pa hisa prijs di refre-
sco na aruba.

E prijs pa caha lo subi
cu 25 cent entrante dia
21 di januari.

E prijs pa caha lo bira
6,25 florin pa mayorista
y 7,25 pa detallista.

E prijs pa botter y un
cup yen di 10 oz. lo subi
cu 5 cent.

Un botter lo bay costa
0,50 cent y un cup yen
lo bay costa 60 cent.

E ultimo aumento di
prijs ariba refresco tabata
for di aña 1982, fecha 18
di februari.



LIMPIESA TUBO DI AWA NA BUBALI

ORANJESTAD(AAN)—
Awe for di 8 or mainta te
cu 5 or atardi, WEB ta si-
gui haci tubonan limpi
for di tanki Urataka den
direccion Sombre 11 y
Kas Ariba te cu Santa
Cruz 220. Tambe vecin-
dario di e caminda Ura-
taka-Kas Ariba.

For di 8 or mainta te
cu 5 or atardi e habitan-
tenan den e barionan
menciona lo no tin sumi-
nistro di awa.

Gerencia di WEB ta
spera cu habitantenan lo
tuma bon nota di e in-
conveniencia temporario
aki.

FTA TA DISCUTI PROPOSICION DI WAB CU MIEMBRONAN

ORANJESTAD(AAN)—
Miembronan di FTA
trahando na Unicon, Boha-
ma Aruba, Aruba Painting,
Arubaanse Wegenbouw,
Thiel Corporation, Bouw-
maatschappij, van Kessel
Construction, Bloki Nacio-
nal, Albo Aruba, Petronia
and Croes, mañan lo tin

un reunion general.

E encuentro lo tuma
lugar na edificio di FTA
na Bernhardstraat pa 4 or
di atardi.

E reunion a ser yama
pa trata e proposicion di
di WAB pa lever in aumen-
to di costo di bida, aumen-
to general y kerstbonus.

Ban JUMP den CARNAVAL cu

BACARDI.

y gana e preciosidad aki



BALOR DI TAPANAN	
50 cl.	1/2 PUNTO
75 cl.	1 PUNTO
1,75 Ltr.	3 PUNTO
* PA CADA 3 PUNTO BO TA HAYA UN CUPON PA PARTICIPA	



DI 2 TE CU DI 10 PREMIO:
1 CAHA DI "BACARDI" - 12/75 cl.
DI 11 TE CU DI 26 PREMIO:
1 BOTTER DI "BACARDI" - 1,75 Ltr.

CAMBIA BO TAPANAN PA CUPON Y PARTICIPA
DEN E SORTEO DI DIA 22 DI FEBRUARI 1985
EFECTUA PA Sr. NOTARIO E. LACLE, PA 4 p.m.

NA **SAWIN** s.v.
KONINGSTRAAT 86,
TEL: 22652 - 28843